



**Stella Benedictina Sive Regula Sanctissimi Patris Nostri
Benedicti**

Meyenschein, Benedikt

Hildesii, 1725

VD18 10311831

XXXIX. De mensurâ ciborum. Cum librâ panis duo pulmentaria sanis
Indixisse placet: sic gula victa jacet.

[urn:nbn:de:hbz:466:1-65028](https://nbn-resolving.de/urn:nbn:de:hbz:466:1-65028)

18. MART. 18. JUL. 17 NOVEMB.

CAPUT XXXIX.

De mensurâ ciborum.

Sufficere credimus ad refectionem quotidianam tam sextæ, quam nonæ, omnibus mensis *b* cocta duo pulmentaria *c* propter diversorum infirmitates, ut fortè, qui ex uno non potuerit edere, ex alio reficiatur. Ergo duo pulmentaria cocta Fratribus omnibus sufficient. Et si fuerint inde *d* poma *e* aut nascencia leguminum *f*, addatur & tertium. Panis libra una propensa *g* sufficiat in die, sive una sit refectione, sive prandii & cœnæ. Quòd si cœnaturi sunt, de eâdem librâ tertâ pars à Cellerario reservetur, reddenda cœnaturis. Quòd si labor fortè factus fuerit major, in arbitrio & potestate Abbatis erit, si expediat aliquid augere, remótâ præ omnibus crapulâ *h*, ut nunquam subripiat *i* Monacho indigeries *l*; quia nihil sic contrarium est omnî *m* Christiano, quomodo crapula, sicut ait Dominus noster *n*: Videte, nè graventur corda vestra crapulâ & ebrietate

tate. Pueris verò minori ætate non ea-
dem servetur o quantitas p; sed minor,
quàm majoribus, servatâ in omnibus par-
cipitate. Carnium verò quadrupedum q
omnino ab omnibus abstineatur come-
stio, præter omnino debiles & ægrotos r.

- a) *Id est, sive prandeatur horā sextā, quæ est nostra 12ma, sive horā nonā, quæ est no-
stra circiter 3tia pomeridiana, prout sol ci-
tius vel seriūs occidit.*
- b) *Intellige, & mensæ primæ, quæ est Con-
ventualium in communi, & secundæ, quæ
est hebdomadariorum coquinæ & servi-
torum juxta cap. præced. Cæterū le-
ctio communior habet omnibus mensibus.*
- c) *Non accipiuntur pro solā pulte, sed pro
quovis obsonio, sive pro omni eo, quod ad
panem melius comedendum adhibere Mo-
nachis licet, ut sunt pisces, ova, lacticinia
&c. ex Turrecrem. & Statutis Bursfeld.
pag 233.*
- d) *Id est, si præterea habeantur. Alia le-
ctio sat proba: Si fuerit, unde; subaudi,
haberi possint.*
- e) *Dicuntur quicunque fructus arborum à Pli-
nio, Ovid. &c.*
- f) *Sma-*

- f) *Smaragdus hīc intelligit grana leguminum; Turrecremata quodlibet acetarium sive quaslibet herbas cum aceto & oleo sumendas: Reipsā verò sunt quæcunque fruges terræ nascentes in siliquis.*
- g) *Smaragdo idem est, quod pensata, Turrecrematæ moderata, Gazæo propendens se paulò major. Libra hæc non fuit Romana unciarum 12. Nec Parisina seuncatoria unc. 16. Sed probabilius unc. 33 & semis, ex Jacobo Breulio & Cassinenibus. Concessit autem S. P. tam largam mensuram panis, tum propter paucitatem pulmentariorum; tum propter stomacho calidiores; tum denique, ut locus esset merito abstinentiæ, & plus acciperent panperes.*
- h) *Sumitur hīc latiūs pro intemperantia in cibo.*
- i) *Vox obsoleta, pluribus tamen Scriptoribus eodem sensu usitata; pro quā jam magis latine legitur, subrepat, hoc est, eveniat.*
- l) *Magis latine cruditas; est vitium stomachi nequeuntis ea concoquere, quæ suscepit.*
- m) *Alii legunt, homini.*

n) LUC.

- n) *Luc. 21.*
o) *Id est, concedatur.*
p) *Panis scil. aut ciborum.*
q) *Hinc inferunt S. Hildegardis, Rabanus, Abaelardus & alii pauci, licere Benedictini comestionem bipedum seu volatilium. Contrarius est torrens aliorum, recte arguentium à fortiori, etiam vetita esse volatilia utpote delicatiora ac pretiosiora. Unde Camaldulenses & alii legendum dicunt, etiam quadrupedum. Vel S. P. sumpsit speciem pro genere.*
r) *Quibus accedunt gaudentes dispensatione Sedis Apostolicæ. Vid. Statuta nostra pag. 139. & seqq.*

19. MART. 19. JUL. 18. NOVEMB.

C A P U T X L .

De mensurâ potûs.

Unusquisque proprium habet donum ex Deo, alias sic, alias verò sic a. Et ideo cum aliquâ scrupulositate à nobis mensura victûs aliorum constituitur. Tamen infirmorum b contuentes c im-

H becili-